



# SINGAPUR - MALEZIJA BALI JEDNO PUTOVANJE - TRI DRŽAVE

**26.10.- 07.11.2026.**  
**13 DANA / HOTELI 4\***  
**TURKISH AIRLINES**

| ZA MINIMALNO 20<br>UPLATA | CIJENA ZA PRVIH 5 UPLATA! | REDOVNE CIJENE  |
|---------------------------|---------------------------|-----------------|
| HOTELI 4*                 | <b>5.299 KM</b>           | <b>5.499 KM</b> |

## U CIJENU JE UKLJUČENO:

- Avio prevoz na relaciji Sarajevo – Istanbul – Singapur/ Denpasar – Istanbul – Sarjevo / Turkish airlines.
- Aerodromske takse + prtljag 30kg + 7 kg
- Let Kuala Lumpur – Denpasar
- Svi transferi u programu
- Smještaj u Singapur u hotelu 4\* u 1/2 sobi na bazi 2 noćenja sa doručkom
- Smještaj u Melaki u hotelu 4\* u 1/2 sobi na bazi 1 noćenje sa doručkom
- Smještaj u Kuala Lumpur u hotelu 4\* u 1/2 sobi na bazi 2 noćenja sa doručkom
- Smještaj na Baliju u hotelu 4\* u 1/2 sobi na bazi 5 noćenja sa doručkom
- Pratilac putovanja ispred agencije na bazi 20 prijavljenih
- Ulaznice prema programu
- Svi izleti prema programu putovanja sa licenciranim vodičem na engleskom jeziku

## U CIJENU NIJE UKLJUČENO:

- Viza za Indoneziju 90 KM
- Doplata za jednokrevetnu sobu
- lokalna taksa u Maleziji koja se plaća direktno u hotelu (10 RM, oko 2 €) po sobi po noćenju
- napojnice lokalnom vozaču i vodiču (5 € po osobi i danu boravka)
- Putno zdravstveno osiguranje / osiguranje od otkaza
- Fakultativni izleti (cijena za 10 prijavljenih):  
Nusa Dua Tour 65 EUR  
Nusa Penida 180 EUR

**USLOVI OTKAZA I NAČIN PLAĆANJA:** Prilikom prijave za putovanje potrebno je uplatiti 40% ukupnog iznosa, a ostatak 20 dana prije početka putovanja. U slučaju aranžmana koji se odnose na daleke destinacije kao i za uplate po cijeni ranih rezervacija (Iran, Maroko, Oman, Umra...) prilikom prijave za putovanje potrebno je uplatiti 40% ukupnog iznosa, a ostatak 30 dana prije početka putovanja. Prijava na fakultativne izlete mora se izvršiti prilikom uplate ostatka od ukupnog iznosa putovanja. Prijava za putovanje vrijedi isključivo uz uplatu navedenog depozita. Po uplati depozita primit ćete račun koji je ujedno i ugovor o putovanju sa kojom prihvatate opće uslove putovanja turističke agencije Relax Tours..

Minimalan broj putnika za putovanje je 20. Ukoliko se na putovanje ne prijavi dovoljan broj putnika najkasnije 5 dana prije početka paketa aranžmana putnička agencija je dužna obavijestiti putnika o doplati ili otkazu putovanja. Završne informacije telefonski dostavljamo 2 dana prije početka putovanja. Plaćanje može biti: 1) Avansno: a) gotovinom, b) uplatom na račun Relax Tours-a; 2) Putem administrativne zabrane sa firmama sa kojima Relax Tours ima potpisan ugovor. Cijene su validne za žirno i gotovinsko plaćanje sa uračunatim popustom u iznosu od 5%. **STORNIRANJE PUTOVANJA:** U slučaju otkazivanja 60 dana prije polaska, zadržavamo 100 KM. Za otkaz 60 - 50 dana prije polaska: 30% storno troškova; 50-40 dana: 40% storno troškova; za 40-30 dana prije polaska: 50%; storno troškova: 30 - 0 dana prije polaska ili ne pojavljivanje zadržava se puni iznos - osim ako u programu drugacije nije navedeno. Ukoliko putnik prilikom prijave za putovanje predviđa da bi zbog nepredviđenih okolnosti morao otkazati putovanje, a u cilju izbjegavanja troškova odustajanja, tada može uplatiti osiguranje od otkaza. Osiguranje od otkaza naplaćuje se prilikom sklapanja Ugovora te ga nije moguće uplatiti naknadno. **OPŠTE NAPOMENE ZA PUTOVANJA:** Agencija zadržava pravo da, u slučaju izmjene cijene prijevoza, izmjene deviznog kursa, nedovoljnog broja prijavljenih putnika i slično, izmjeni cijenu putovanja za odgovarajući iznos. U okviru razgledanja gradova navedenih u programima putovanja, nisu predviđene posjete ni obilasci enterijera javnih građevina, institucija i spomenika kulture, osim kada je to posebno naznačeno. Usluge turističkog vodiča, turističkog pratioca, lokalnog turističkog vodiča ili lokalnog predstavnika organizatora, predviđene programom putovanja, ne podrazumijevaju njihovo cjelodnevno i kontinuirano prisustvo, već samo kontakt i neophodnu nužnu pomoć putniku, po unaprijed utvrđenim terminima periodičnog dežurstva, objavljenih na oglasnoj tabli ili na drugi prikladan način. Usmene i bilo koje druge vrste informacija, koje se razlikuju od onih koje su sadržane u pisanom programu putovanja ili posebnom pisanom ugovoru, ne obavezuju organizatora i ne mogu biti osnov za isticanje prigovora ili reklamacije. Minimum za realizaciju fakultativnog programa je 15 osoba. Organizator zadržava pravo promjene redoslijeda pojedinih sadržaja u programu. Kod autobuskih aranžmana predviđene su pauze radi usputnog odmora na oko 3-4 sata vožnje. Zaustavljanja su na usputnim stajalištima ili benzinskim pumpama, a u zavisnosti od uslova na putu i raspoloživosti kapaciteta stajališta. **KOD AVIO TURAR MINIMALNA VALIDNOST PASOŠA MORA BITI 180 DANA OD DANA ULASKA U ZEMLJU.** Agencija nije odgovorna u slučaju pomjeranja predviđenog vremena polijetanja od strane avio-kompanije kao i kašnjenja aviona na jednom ili više redovnih ili čarter letova u toku realizacije putovanja, organizator putovanja nema uticaja na eventualne posljedice izazvane kašnjenjem ili otkazom leta, izazvanim bilo kojim uzrokom, koji je van sfere uticaja organizatora, kao što su bezbjednosni razlozi, dozvole kontrole leta, vremenski uslovi, tehnički kvarovi i sl. već se primjenjuju važeći propisi i uzanse u avio prometu. Svaki putnik mora imati uplaćeno putničko zdravstveno osiguranje (vlastito ili uplaćeno putem agencije) bez obzira da li podliježe procesu viziranja BH pasoša ili ne. Organizator putovanja ne garantuje dobijanje vize.

**1 DAN /26.10./ SARAJEVO – ISTANBUL**

Okupljanje putnika na aerodromu Sarajevo u dogovoreno vrijeme. Nakon carinskih i graničnih formalnosti let za Istanbul u 15:30h sa Turkish Airlines-om na letu TK 1022. Dolazak u Istanbul u 19:30h.

**2 DAN /27.10./ ISTANBUL - SINGAPUR**

Nastavak putovanja letom TK 54 u 01:50h za Singapur. Dolazak u Singapur u 17:35h po lokalnom vremenu. Carinske formalnosti i preuzimanje prtljage, susret s lokalnim vodičem te transfer autobusom u hotel. Singapur je grad-država s velikim brojem stanovnika, a malom površinom te stoga gradom dominiraju visoki neboderi, nerijetko futurističke arhitekture, ljupki mali vrtovi i parkovi. Jedna je od najbogatijih država svijeta s etnički i religijski miješanim stanovništvom. Slobodno vrijeme za odmor ili aktivnosti po dogovoru s pratiteljem grupe. Noćenje.

**3 DAN /28.10./ SINGAPUR**

Doručak. Razgledavanje započinje u staroj kolonijalnoj četvrti Padang s rekreacijskim područjima grada smještenim uz poslovne četvrti, Kriket klub, zgrade Parlamenta, Vrhovnog suda i Gradske vijećnice; uglavnom kombinaciju klasične kolonijalne arhitekture s modernim neboderima. Razgledava se i najstariji dio grada Merilion s čuvenom fontanom, simbolom grada. U Kineskoj četvrti može se posjetiti hram Budinog zuba, monumentalna građevina dizajnirana u stilu inspiriranom arhitekturom dinastije Tang, a u četvrti Mala Indija prodavači sarija, začina i ulične hrane stvaraju jedinstvenu atmosferu koja podsjeća na indijske gradove. Odlazak do kompleksa Gardens by the Bay te posjet čudesnim vrtovima u rashlađenim staklenicima u prostoru neobične i zadivljujuće arhitekture. Moto vrtova je „cvijeće nikada ne prestaje cvasti“ s fascinantnim koloritom boja i vrsta u Cvjetnoj kupoli, a tu je i čuvena „Šuma u oblaku“ s vodopadom i visokim drvećem te s planinskim biljkama iz gotovo cijelog svijeta, pa i onima najegzotičnijim. Slobodno vrijeme. Noćenje u hotelu

**4 DAN /29.10./ SINGAPUR – MELAKA (MALEZIJA)**

Doručak. Polazak autobusom prema Maleziji, prema gradu Melaka. Prelazak granice kod grada Johor Bahru koji je poslovno središte Južne Malezije, no gotovo se čini kao da je nastavak garda-države Singapur. Uz usputna kraća zadržavanja radi odmora, vožnja cca 4-5 sati (ovisno o prometu na cestama) kroz Maleziju tijekom koje ćete imati priliku upoznati svakodnevicu stanovnika i prirodne ljepote zemlje. Melaka je obalni grad na ušću istoimene rijeke u Malajski tjesnac, osnovan krajem 14. stoljeća koji se vrlo brzo razvio u veliku luku i trgovačko središte radi povoljnog položaja. Uvršten je na UNESCO-ov popis svjetske baštine kao povijesni grad i mjesto kulturne razmjene istoka i zapada. Ovdje se kolonijalni utjecaji zapada isprepliću s tradicijskom kulturom Azije, oko 500 godina to je bila jedna od najvažnijih trgovačkih luka u svijetu. Dugo su se vodile bitke oko ovog grada jer su europske kolonijalne sile željele monopol i kontrolu nad unosnom trgovinom začina iz Istočne Indije. Kada su otišli, iza njih su ostale mnoge znamenitosti koje su i danas sinonim za Melaku. Po dolasku razgledavanje u pratnji lokalnog vodiča. Uz obale rijeke je poznata ulica Jonker kojom se može prošetati do Cheng Hoon Tenga, najstarijeg kineskog hrama u Maleziji, potom i nizozemskim trgom s gradskom vijećnicom Stadthuys u kojoj se danas nalazi Muzej povijesti i etnografije, a tu je još i Porta de Santiago, džamija Kampung Kling i hinduistički hram Sri Poyyatha Vinayagar Moorth, crkva Sv. Pavla koja je sagrađena 1521. godine te je najstarija crkve u cijeloj jugoistočnoj Aziji. Noćenje u hotelu.

**5 DAN /30.10./ MELAKA – PUTRAJAYA – KUALA LUMPUR**

Doručak. Nakon doručka slijedi polazak za Kuala Lumpur s usputnim zaustavljanjem u Putrajayi, administrativnom središtu Malezije. To je novosagrađeni grad, izgradnja je započela 1995. godine i planirano je da odražava kozmopolitski panislamski identitet te velike površine parkova i vrtova. Iako je službeno Kuala Lumpur i dalje glavni grad mnogi administrativni uredi premješteni su ovamo. Od atraktivnosti ističemo Putra džamiju na glavnom trgu, ružičaste boje s arhitektonskim utjecajima iz srednje Azije i Maroka, jezero Putrajaya i most odakle se vide vladine zgrade. Dolazak u Kuala Lumpur, glavnog grad Malezije koji se počeo razvijati sredinom 19. stoljeća uz rudnike kositra, ali tek zadnjih desetljeća doživljava pravi preporod. Danas se u gradu može vidjeti veliki kontrast između novih nebodera, modernističkog dijela grada i starijeg s kolonijalnim građevinama. Smještaj u hotel i slobodno vrijeme.

**6 DAN /31.10./ KUALA LUMPUR – PEĆINJE BATU**

Doručak. Nakon doručka odlazak u okolinu grada gdje se nalaze vapnenačke pećine Batu, nezaobilazno mjesto za sve koji dolaze u Kuala Lumpur. U pećinama su izgrađeni hinduistički hramovi i svetišta neobične arhitekture i živopisnih boja, što zajedno s ambijentom pećinskog sistema ostavlja snažan dojam na posjetioce. Na samom ulazu uzdiže se ogroman kip hinduističkog božanstva Murugana, a dok se uspinjete stepenicama prema glavnom hramu u najvećoj pećini velika je vjerovatnoća da ćete vidjeti majmune kojih ima mnogo u tom području kako trčkaraju unaokolo. Slijedi razgledanje grada autobusom i pješice: Trg nezavisnosti, lokalno poznat kao Dataran Merdeka, zgrada sultana Abdula Samada, Kraljevski klub Selangor, crkva Svete Marije, najstarija džamija u Kuala Lumpuru – Jamek, centralna tržnica na kojoj se prodaju rukotvorine iz cijele Malezije, zatim simbol grada Petronas Twin Towers (najviše zgrade blizanci na svijetu, izgrađene 1998. godine). Kineska četvrt je bučan i živahan dio grada poznat po tradicionalnim zanatskim radnjama. Petaling Street je omiljeno odredište i turista i lokalnog stanovništva, sa brojnim malim trgovinama, restoranima i suvenirnicama. Povratak u hotel. Noćenje.

**7 DAN /01.11./ KUALA LUMPUR – BALI**

Doručak. Transfer na aerodrom i let u Indoneziju, na otok Bali. Bali je jedna od najpopularnijih turističkih destinacija na svijetu zbog prirodnih ljepota poput prelijepih plaža, terasastih rižinih polja, bujnih tropskih šuma i vulkanskih krajolika, ali i autentične kulture i tradicijske duhovnosti. Stanovništvo Balijske regije njeguje svoju verziju hinduizma koja uključuje i elemente budizma iako je ostatak Indonezije muslimanske vjere, te ga često nazivaju i „otok bogova“ i mnogi ga posjećuju kako bi stekli nova duhovna iskustva. Ovaj pitoreskni otok koji se nalazi na prelazu iz Indijskog oceana u Pacifik, uz tradicionalna sela i stare hramove nudi i moderne hotele i resorte uz duge

pješčane plaže i tirkizno more. Nakon dolaska na otok odlazak do kulnog hrama Uluwatu koji je sagrađen na litici 70 metara iznad mora, a vjeruje se da potječe iz 9. stoljeća. Sama građevina nije velika, no ima veliku važnost za domaće stanovništvo, a za turiste je atraktivan pogled na morsku pučinu i bujne okolne šume pune majmuna. Potom odlazak u zaljev Jimbaran poznat po luksuznim odmaralištima i restoranima uz more s plodovima mora na roštilju. Večera u jednom od tih restorana, te dolazak u Kutu, poznato ljetovalište na Baliju. Smještaj u hotel, noćenje.

#### 8 DAN /02.11./ TEGALALANG – MAJMUNSKA ŠUMA – HRAM TIRTA EMPUL

Doručak. Nakon doručka odlazak do slikovitih terasastih rižinih polja Tegalalang koja su na UNESCO-vom popisu svjetske baštine, lijepa prirodna posebnost otoka koja mami ljubitelje prirode. Ovdje se možete opustiti promatrajući zelene površine kaskadnih polja riže okružene kokosovim palmama i načiniti niz lijepih fotografija za uspomenu. U izletištu Alas Harum imati ćete priliku doživjeti neobično iskustvo, ljuljati se u prostranim ljuljačkama (Jungle Swings) iznad krošnji drveća uz prekrasan pogled na okolna terasasta polja i okolni slikoviti krajolik. Potom odlazak do još neobičnijeg mjesta, do Majmunske šume Ubud. Iako stanovnici otoka makaki majmune smatraju štetočinama jer im uništavaju usjeve, ovdje su zaštićeni i dobro hranjeni jer vjeruju da majmuni čuvaju svetište. Pretpostavlja se da su hramovi sagrađeni u 13. stoljeću, no puno puta su obnavljani pa je teško utvrditi točno vrijeme gradnje. Turistima je dozvoljeno šetati krivudavima stazama kroz šumski prostor uz upozorenje da su to ipak divlje životinje i da je potrebna pažnja, a srest ćete ih na svakom koraku, često će vam i sami prilaziti. Za otočane ova sveta šuma nije samo važan dio balijske baštine već mjesto za povezivanje s duhovnim svijetom kroz sklad između ljudi, životinja i drveća. Nakon šetnje polazak do grada Tampaksiring da bi se posjetio hram svetog izvora Tirta Empul. Hramski kompleks posvećen bogu Višnuu je sagrađen davne 962. godine na izvoru rijeke Pakerisan, a u središnjem dijelu je kupalište u koje balijski hindusi odlaze na ritualno kupanje. Voda se u kupalište ulijeva kroz 30 otvora, a vjernici strpljivo čekaju u redovima kako bi se ritualno okupali pod mlazom vode, vjeruju da svaki od tih mlazova ima utjecaj na različiti dio tijela pa ih tako i biraju. Povratak u hotel, noćenje.

#### 9 DAN /03.11./ PARK PTICA – UBUD

Nakon doručka odlazak do Balijski park ptica je čudesno mjesto, dom je za oko 1300 nama egzotičnih ptica iz ovog podneblja. Zastupljeno je preko 250 ptičjih vrsta, od rajskih ptica, šarenih papiga do balijskih čvoraka. Park je uređen na način da oponaša prirodna staništa pa možete uživati u botaničkom izobilju poput rijetkih vrsta voćaka iz džungle, različitim vrstama palmi, bambusima, kaktusima i slično. U tri jezerca u parku gnijezde se ptice močvarice. Nakon šetnje parkom odlazak u Ubud, omiljeni turistički grad koji se promovira kao umjetničko i kulturno središte. Obilazak palače Ubud koja je još uvijek u vlasništvu kraljevske obitelji i u njoj se povremeno održavaju ceremonije ili prigodne svečanosti, a zatim šetnja Art Marketom gdje možete kupiti lokalne rukotvorine i proizvode vrsnih balijskih umjetnika. Tijekom dana ručak u restoranu, a večera će također biti u restoranu s balijskim specijalitetima. Povratak u hotel na noćenje.

#### 10 DAN /04.11./ NUSA DUA

Doručak slobodno vrijeme ili **fakultativni izlet** na popularnu plažu Nusa Dua uz istoimeno ljetovalište. Plaža s mekim bijelom pijeskom i čistim modrim morem privlači turiste poput magneta osobito stoga što se nude mnogobrojni sadržaji u ljetovalištu pa se možete opušteno prepustiti plivanju, sunčanju ili šetnji uz obalu, obilaziti trgovačke centre ili odmoriti u ugodnim kafićima, restoranima i slično. Povratak na noćenje u hotel.

#### 11 DAN /05.11./ NUSA PENIDA

Doručak u hotelu. Slobodno vrijeme ili fakultativni izlet na poznato ostrvo Nusa Penida, uz snorkeling. Upotrijebite svoje iskustvo odmora otkrivanjem manje posjećene „sestre“ Balija – ostrva Nusa Penida. Polazak iz hotela na jugu Balija između 06:00 i 07:00 sati, nakon čega slijedi transfer do Sanura, odakle se brzim brodom kreće prema ostrvu Nusa Penida. Izlet **The West Island Tour** uključuje snorkeling na lokacijama **Manta Bay, Gamat Bay i Wall Point**, kao i kopneni obilazak sa posjetom poznatoj **Klingking Beach**. Ručak u lokalnom restoranu. Povratak u hotel. Noćenje u hotelu.

#### 12 DAN /06.11./ HRAM TANAH LOT – DENPASAR ISTANBUL

Doručak i slobodno vrijeme do odjave iz hotela. U popodnevnom satima obilazak još jednog hinduističkog hrama na hridi, Tanah Lot. Ovaj mali hram, pretpostavlja se iz 16. stoljeća, sagrađen je na hridi koja je nekoć bila dio kopna, ali je s vremenom djelovanjem valova i vjetrova odvojen. Za vrijeme plime, okružen oceanskim valovima djeluje kao da će otplutati na pučinu, a turisti ga vole zbog fotogeničnosti i ljepote krajolika. Ručak tijekom dana. Transfer na aerodrom Denpasar i prijava na let TK 67 s polaskom u 21.10.

#### 13 DAN /07.11./ ISTANBUL - SARAJEVO

Dolazak u Istanbul ujutro u 05.40. Nastavak putovanja letom TK 1021 koji polijeće u 14:50h i dolazi u Sarajevo u 14:40h. *Kraj programa.*